

Ny Valosoa sy hadihady

Miala Rajoelina. (J-86)

Tsy tafaverina talohan'ny 26 jona 2019 ireo lles Eparses

Dradradraina andro aman'alina ny fitandroana ny « Fiandrianam-pirenena » ary milaza ho saropiaro amin'izany izao fitondrana izao. Ny tsy fianteharana amin'ireo mpiara-miombon' antoka ara-teknika sy ara-bola mahazatra (Partenaires Techniques et Financiers) satria tsy handroso mihitsy Madagasikara raha mbola ireo no antenaina. Ripaka teto anefa ny Malagasy raha tsy nisy ireo mpamatsy vola mahazatra ireo tamin'ny nipa-ritahan'ny valanaretina Covid-19. Matikambo ihany koa fa entiny miady amin'ny valanaretina ny CVO fanafody nentina niady tamin'izany kanefa dia nampitrosana tamin'ny tany ny « Fiandrianam-pirenena » satria afa-baraka teo imason'ny firenena maro i Madagasikara noho ny tsy nahasitrana'ny olona nisotro azy, ankoatry ny fianakavian-dRajoelina Andry sy ireo mpitady sitraka aminy. Niseho ho tena hanandratra izany "Fiandrianam-pirenena" izany Rajoelina Andry raha nilaza ho ren-tany, ho ren-danitra fa namerina nialohan'ny 26 jona 2019 ireo Nosy Malagasy (lles Eparses). Tsy tafaverina ireo Nosy Malagasy ireo ka natsangana ny Komity niarahan'ny solontenan'ny fitondrana frantsay sy malagasy nandinika ny momba izany, kanefa na izany aza raha nitsidika ny iray amin'ireo Nosy ireo, *lle Glorieuse* » ny filoha Macron, dia nilaza hoe : « Ici c'est la France » ary nanangana ny sainam-pirenena frantsay izy. Amin'izao fotoana izao anefa dia tsy mbola hita izay vokatry azo notsapaintanana tamin'ny fikaonan-doha taloha ary efa nisy fikasana nanatanterahana izany, fa toa nihemotra na nofoanana mihitsy. Mariky ny fiandrianam-pirenena anefa ny fiverenan'ireo Nosy ireo ho ao anatin'i Madagasikara indray. Niainga nihazo an'i Lafrantsa Rajoelina Andry ny faranan'ny herinandro lasa teo, tsy fantatra mazava izay antondiany, satria araka ny fanaony dia tsy manaovalandresaka amin'ny mpanao gazety toy ny fanaon'ny Filoha nifandimby tao anatin'ny enimpolo taona izy. Heverina fa saika hanao fanomezana tsy hampoizina ho an'ny vahoaka Malagasy indray, satria nanantena ny nahazo fahafa-

hampo amin'izay nangatahiny tamin'ilay filoha frantsay niara-teraka taminy tao anatin'ny taona 70 (mème génération). Tsy nisy fanambarana niombonana anefa taorian'ny fihaonana fohy dia fohy, ka tsy ho re tsaika ihany koa rehefa hiverina an-tanindrazana ny filohan'ny Repoblikan'i Madagasikara Rajoelina. Raha araka ny fantatra dia toa resaka fanampiana amin'ny fifidianana no ho azo avy amin'i Lafrantsa, ka aiza ny fiandrianam-pirenena amin'izany satria raha ny marina dia tsy fianteharana amin'ny any ivelany izany fifidianana izany. Manaporofa koa izany fa tsy misy vola intsony ao anaty kitapom-bolampanjakana ao satria niala ilany tsy namolavola ny Lalànan'ny Tetibola asiam-panitsiana (LFR) ny governemanta. Ny fahamarinan-toeran'ny toekarena no anisan'ny manamarika ny fiandrianam-pirenena satria raha miiba araka ny zava-misy amin'izao fotoana izao eto Madagasikara dia tena mandohalika sy mitalao any amin'ny Mpiaramiombon'Antoka ara-Teknika sy ara-Bola (PTF) ny fitondrana mangataka fanampiana. Tsihivina anefa fa matikambo Rajoelina Andry, fa noho ny fiandrianam-pirenena dia tsy hiantehitra amin'ireo mpiaramiombon'antoka mahazatra ireo izy, satria tsy handroso mihitsy Madagasikara na amin'ny taona 2060 aza. Tsy mbola mahavita tena ara-tsakafo i Madagasikara na nanambany ireo mpitondra nifandimby teto noho izany Rajoelina Andry, rehefa nandray fitondrana kanefa efa ho tapitra ny fepotoana vao mikoropaka hampitombo iray hetsy hektara ny tany ho volena vary, izay tsy ho voazary raha tsy taona maro. Raha ny toe-javatra iainana eo amin'ny sehatra rehetra misy sy eo amin'ny fifandraisana iraisam-pirenena dia tsy afaka hihambo izao fitondrana Rajoelina Andry izao, fa manana fiandrianana ny Firenena Malagasy. Tsy maintsy hitraka ny vahoaka malagasy hivoahana amin'izao haretina mianjady amin'ny firenena izao, ka hisafidy olompirenena matotra sady manana traikefa hoentina mitsabo izany aretina izany.

Andry Tsiavalona

Olan'ny fanabeazana

Nanome 72 ora ny ministera ny ANEFFA Vakinankaratra

Nanome 72 Ora ny ministeran'ny fanabeazam-pirenena, anamboarana ny tsy mety rehetra eo anivon'ny ministera io, ny ANEFFA Vakinankaratra ary mandrahona ny hiroso lalindalina kokoa, ka mety hiafara amin'ny tsy fandraisana anjara amin'ny fanadinam-panjakana ho tanterahina atsy ho atsy, raha tsy mivaly ny hetaheta sy ny fitakian'izy ireo. Isany amin'izany ny fijerena ny tombontsoan'ireo mpampianatra toy ny fanamboarana ny mari-karama. Takian'izy ireo koa ny fampioavana ny "poste budgétaire" nivoaka ofisialy, sy ny isan'ireo nahazo fifanarahana arak'asa avy any amin'ny ministera, ka nahatafidirana olona tsy mahafeno fepetra toy izay miseho ao amin'ny lycée André Resampa Antsirabe. Olona 5 tsy mbola nisehatra teo amin'ny fanabeazana no voalaza fa nampidiriny ho mpandraharaha ao, nefa ireo mpiasa 27 mianadahy izay voalaza ho efa nahazo toky tamin'ny filohan-pirenena tamin'ny volana Mey 2021, ka efa nampiditra antotan-taratasy teny anivon'ny ministera ka efa niharitra ny tsy fandraisam-bola sy niasa tsy tapaka dia nodinganina indray.

Anjakan'ny sendika tokana

Raha ny filazan'ny solontenan'iretsy farany dia efa nisy ny fifampiresahana tamin'ireo tompon'andraikitra isantsokajiny, saingy tsy nahitam-bokany, ka izao nanosika azy ireo handray izao fepetra izao. "Azon'ny ministera atao ny mampiato ireo olona tsy mahafeno fepetra no-mena fifanarahana arak'asa ireo, sy mandray ny sosokevitra avy aty aminay saingy toa lasa ministera an'ny sendika tokana ny an'ny fanabeazam-pirenena ankehitriny, ka ny mpikambana ao aminy no mandidy alohan'ny tompon'andraikitra voalohany" hoy Rantovonjannaharinjakason, mpandrindram-paritry ny ANEFFA Vakinankaratra, nandritra ny fanambarana nataon'izy ireo manoloana ny biraoan'ny Cisco an'Antsirabe voalohany ny alatsinainy lasa teo. Andrasana araka izany ny mety ho tohin'ity raharaha ity. Hahavita hamaly ireo fitakiana ireo ve ny ministera sa dia hatao sorona indray ny Zaza Malagasy hiatrika ny fanadinam-panjakana, izay hiatomboka amin'ny CEPE amin'ny talata ho avy izao.

Ambinintsoa

FIFIDIANANA

Henatra ho an'ny CENI ny tsy fisiany amin'ity taona ity

Ny antom-pisian'ny CENI, na ny vaomieram-pirenena mahaleotena misahana fifidianana dia fikarakarana sy fanomanana fifidianana. Raha sanatria tsy hisy izany fifidianana izany amin'ity dia tena henatra bevava ho an'ity rafitry ity. Efa namafany ny filohan'ny Dama Andrianarisedo, fa tokony hisy ny fifidianana amin'ity 2023 ity, indrindra ny fifidianana filohampirenena, mitohy ny fifampiresahana eo amin'ny zany ny governemanta mahakasika izay, ka heverina hoy izy, fa hanaja ny teniny ny fahefana mpanatanteraka. Ankoatra izany, nanao valandresaka ho an'ny mpanao gazety ny Ceni tamin'ny talata maraina teo, nanehoany mazava ny fanavaozana ny lisitry ny mpifidy izay nifarana ny faha-10 jona teo, nefa mbola nampiana 20 andro indray, mikasika ny fanitsiana farany izay tokony hatao eny amin'ny fokontany sy ny distrika misahana izany, ka mipaka aty amin'ny Ceni foibe. Izay izany no fetra farany hanaovan'ny olom-pirenena fanamarinana na tafiditra ao anaty lisitra izy na tsia, ka ny faha-17 volana jolay no faranana tanteraka ny



Ireo mpikambana ao amin'ny birao foiben'ny CENI.

eny anivon'ny distrika, ary ry zareo indray no mandefa izany eny amin'ny Ceni foibe, mba hahafahany manamarina ny anarana voasoratra sy izay ahiana ho miverin-droa raha misy ohatra ny faha-18 sy 19 jolay, ary hamaoka ny rezisitra farany manerana ny firenena ny 20 jolay, mba ho antoky ny fihodinana roa amin'ny fotoampifidiana-na 9 novambra 2023 sy 20 desambra 2023 ho avy io. Mitotaly 45,3 miliara ariary ny vola lanin'ny Ceni namomboka ny volana oktobra 2022 hatramin'ny 10 jona teo, ka 25,2 miliara Ar no lany ny tamin'ny taona 2022, ary 20 miliara Ar ny taona 2023, izay nandoavana ny karama sy ny tambinkarama an'ireo mpanisa mpifidy ihany koa. Niantso ny rehetra tsy hanana ahiahy ny filohan'ny

Ceni, ka nilaza fa mino ny hitazonan'ny fanjakana ny resaka nifanaovana, ary nanamafy fa efa nisy adivevitra sy fifanatonana lalina teo aminy sy ny fanjakana ary ny mpiara-miombon'antoka ara-teknika sy ara-bola. Teo amin'ny lafiny politika, dia nilaza ny filohan'ny Ceni manodidina ny fanambaran'ny antoko politika 5 (HVM, MMM, MTS, MFM, Ampela Manao Politika), izay nilaza fa mandika lalàna amin'ny fanitarana aorian'ny 10 jona ny fanavaozana ny lisitra, dia nanamafy hatrany ny CENI fa tsy mitombina izany, fa manaraka ny pitsompitsony araka ny lalàna izy ireo, ary malalaka amin'izay te-hihaona aminy, misokatra malalaka ny varavarana ny fanambarany. Tzorina fa nanao fisiorana an'ireo mpiara-ma-

nentana niara-niasa taminy ny Ceni, ka tsy adinony ny nataon'ny fiangonana rehetra tsy ankana-vaka, toy ny nataon'ny FFKM ohatra, tsy nikely soroka tamin'ny fanomezana ireo teti-bola nampiasaina tamin'ny asa izay natao. Teo ihany koa ny fisaozana ireo mpitsirika "auditeurs" avy ivelany sy ireo roalahy avy eto antoerana, Andriamatoa isany Andriamanampisoa Feno Heritiana natolotry ny TIM, sy Rajaonarifetra Andriamaro avy amin'ny HFKF, izay samy expert amin'ny informatika. Teo am-pamaranana dia nambarany fa 10.768.137 ireo voasoratra anarana amin'ny lisi-pifidianana, koa io 20 andro io izany no mbola hahafahan'ireo izay feno 18 taona talohan'ny 10 jona 2023 manoratra hatrany ny anarany, nefa ara-dalàna eny amin'ny fokontany misy azy avy, fa ny taorian'io 10 jona io no tsy ekena intsony, raha ny andinin-dalàna misy sy manankery, ary azon'ny olompirenena atao ny manaramaso sy manao fitarainana raha misy tsy fahatombanana manodidina izany.

Beharo



701017KALO

ANGAHA NAHAZO TEHAMAINA ?

Angaha nahazo tehamaina no tsy nahitana teny ? Sao dia mba fambara loza ny endri-javatra toy ireny ? Ora maro nampiandrasana , resaka minitra vitsy , Moa nataon'ilay vangiana ho tsiy vidiny mihitsy ?

Angaha nahazo tehamaina no dia tsy afa-nihorakoraka ? Sa ny loha no efa boda sy nanjary toa nivoraka ? Hany ka tsy hay intsony hatramin'ny lalana nivoahana, Tompondaka o ! mifitsaha dia aoka izay ny fidedahana !

Angaha nahazo tehamaina , angaha tsy azo izay nilaina ? Mandiniha sy mihevera dia meteza ho tonga saina. Aiza indray re no hisambotra mba hisian'ny fifidianana ? Votsotra ny nantenaina nefa tsy ampy ny eo an-tanana !

Angaha nahazo tehamaina no dia tena fanimpanina ? Ontsa anao aho Tompondaka ! mahereza mihinan-kanina. Saingy tonga kosa ny ora tokony handinihan-tena. Mialà rehefa tsy hay fa potika ny firenena !

IRINA HO TAFITA (14-06-23)